

He, Flo!

Text: Tom Lackner

Oisa, des in da foigend'n G'schicht is jo in Wiaklichkeit wen aundan passiat, nämlich an Freind von an Freind vo mein' Schwoga, und zwoa in Herrn Josef. Oba dea hot si bei mia no ned vuag'schdöht. Jetz haum oba mia in da Plott'n an g'hobt – an recht'n Adabei – den kana so richtig meng hod: des woa da Flo. I hob em eh a r amoi – gaunz friara woa des – hob i eam ohblitz'n loss'n ... I maan, schiach oda so woa r a jo eh ned, bevua r a zum Sauf'm aung'faungan hod. Oba iagendwia unguad. Mia san jo scho bei sein' ewich'ng „Sea's! Wie geht's?“ de Krausbian' aufg'schdaund'n. Oba ea woa hoit nua schwaazun Aunbringen, und iagendwia hod a uns jo a a Biss'l laad taun. Auf jed'n Foi hod a daunn die klassische Karrier' g'mocht: Auto, Frau, Reih'nhaus, Kind; und zwoa genau in dea Reih'nfoige.

No, da Flo woa imma scho a Weng schmierig, und so is aus'n Flo da Herr Florian wuan, Gebrauchtwagenhändler in Biedermannsdoaf.

Und wöe de G'schicht jo wiaklich so passiat is, nua hoit wen aundan, schdöll i ma vua, wia r i eines Tages in Flo aum Mexikoplootz siech, wia r a g'rod aus so an G'schäft aussekummt ... wo s' so glitzande Fetzen vakauf'm, bülliche Uan, g'fitz'ide Tschick, Tosch'nfeid'ln ... und unta da Haund nu gaunz aundare Soch'ng ...

I geh oisa zu eam hie und frog eam:

1. „He, Flo! Sog, was host leicht vua mit dera Puff'm im Sock?
He, Flo! Sog, was host leicht vua, heast', mit dera Puff'm im Sock?“
„Sea's! Wie geht'? De is fia mei Oide! I hob's dawischt, wia's im Bett g'rod auf an aundan hocktDe is fia mei Frau, de Drecksau! I schau dazua, dass des Luada heit no die Schtuf'm pockt“
2. „He, Flo! Maanst, Dei Oide waa desweg'ng weniga wua'n?
He, Flo! Glaubst, des bringt's, waunnst as wegablost? Geh, bitte denk aun Dein' Buam!“
„Dea is eh ned von mia! Sie hod ma's g'sogt, und aum best'n waa, ea foat mid in de Gruam Des Baungad is eh ned von mia! I drah eam ham, wöe fia mi is dea Bastard eh scho laung g'schtuam“
3. „He, Flo! Bist ang'haut? Muang schdehst daunn in da Zeidung, und des föhat da no
He, Flo! I man, i dram! Muang schdehst daunn in da Krone, voi mid Foto und so“
„Is ma wuascht! (sogt a) Wöe muang um die Zeit bin i eh nimma do
Zesacht wiad ohg'rechngt. Tabula Rasa, wia ma so sogt, und daunn setz i mi oh

Vielleicht geh i noch Mexiko

Oda noch sunst irngdwo

Schee waa's jo a bei de Eskimo ...

A bißl koid vielleicht, oba des pock i scho

*Übahaupt: Waunn i ma denk, wos i in dea laungan Zeit mid dera Raupfaungtau'm oiss
vapasst hob ... No, frage nicht ...“*